



BIBLIOTHECA  
UNIV. LUGD.  
BATAVA

39263

lat.komp.

Mag. St. Dr.

P

*Quaestio theologica - de  
formali habitualis peccati ratione.*

*Teol. 3038*



Biblioteka Jagiellońska



stdr0004694



Bg. I. 10 aa

AdM  
rati

Q

Ex

D

F. B

Sub fe  
TI  
Pro  
S. I

In Al

S



Ad Maiorem Vnius Triadis, & Trinæ vni-  
tatis gloriam, ac perpetuum Semel Matris, sem-  
per Virginis, Augustissimæ Mariæ  
Honorem.

Q V Æ S T I O  
THEOLOGICA  
Ex Prima Secundæ Doctoris  
Angelici.

De formali habitualis peccati ratione.

ℳ

F. BENEDICTO MSTOVIO Ordinis Eremitarum S.  
PAVLI Primi Eremita Presbytero, Baccalaureo &  
Professore Sacrae Theol: in Cracouiensi Conuētū.

Sub felicibus auspicijs Admodum Reuerendi Domini, D. MAR-  
TINI CAMPII VADOVII S. Theologiæ Doctoris,  
Professoris, & Decani eiusdem facultatis, Præpositi Collegiatae  
S. FLORIANI Ecclesiæ.

In Alma Academia Cracouiensi Anno Restaurata Salutis M. DC.  
XXVIII. Mense Nouembri, Die Hora  
publicè ad disputandum proposita:

ET

CRACOVIAE, In Typographia Valeriani Piatkowski  
IMPRESSA.





IN STEMMA

*Perillustris & Admodum Reuerendi*  
Domini, D.



39263

Ib

Rex est, in fluuijs inter reuatantia Salmo;  
Imperat, inq; sui corporis arce caput.  
Stemma tibi, Salmo, Rex; gaudes munere Regis,  
LIPNICKI, esq; sui Regis in Vrbe Caput.

PERILLVSTRI & ADMODVM  
REVERENDO DOMINO,

D. ALBERTO LIPNI-  
CKI, SANDOMIRI-

ensi Scholastico, Wroclauien:  
Canonico &c. Administratori  
Zuparum Wielicensium, S. R. M. Se-  
cretario, Domino & Meccenati colen-  
dissimo.

P. BENEDICTVS MSTOVIVS Ordinis S. PAULI  
Primi Eremitæ, Salutem & perennem  
faustitatem,

**Q**Visquis in Syrtibus plenissimo huius mundi  
Oceano ex abyssalibus vitiorum gurgitibus, procellosisq;  
peccatorum vorticibus, in salutes iustitiæ hominem Deo pergra-  
tum facientis, virtutumq; diuinitus inditarum aquas commigrare  
percupit, more salmonis turbidas aquas fugientis, & solis pellucis  
diu gaudentis amnibus, confragosas Sirenarum ad peccata pelliciens



rium subterfugiat Scyllas, & soli purissimis viuientium aquarum  
torrentibus inebriatus sobriâ in ebrietate detineatur. Natus hoc  
animal limpidus in undis aduerso semper flumine, ut in opato esca  
diu & longè, & latè quæsita bono tandem conquiescat: & tu tur-  
bulentissimas ærumnarum hac in nauigatione non infrequenter eo  
uenientium Charybdes peccato animi motu indies enitere supera-  
re, si saluari potatus aqua eternum felix, & quietus æterna falis  
citatis ac quietis Empyreo in aquore portum tenere affectas. Sed  
cur Tibi, Tuorumq; Heroibus Maiorum, Perillustri Domine, Sal-  
monis Caput, præcipui præcipuum inter sui generis animalia ani-  
malis membrum pro Stemmate? Scilicet Maiores Tui turbulentariū  
turbulentos in Repub. seditionū fluctus exosi, soli candido in suā  
patriam amori, & quieti Reipub. insistentes, præcipuos Diuinas  
rum, paternarumq; legum conseruatores sese præferebant. Mihi  
verò, & meū ex Sacra Doctrina fonte exhaustis theorematibus,  
quid cum Tuo nobilissimo hoc Pisce? Leni & amico suā benigni-  
tatis ac beneuolentiæ per Nostri Ordinis Eremum extenso susurro  
me illexit, & leniter monuit, ne extra ipsius thermas salutaris,  
vberiorē aliarum aquarum irrorationem quærerem. Permitte  
itaque, Perillustri & Admodum Reuerende Domine, hos mea-  
rum lucubrationum riuulos ex Thomistico exortos aquore, in as-  
uitum Tui nobilissimi Salmonis Gangen defuere, ut ipsius salus  
bribus intermisti aquis, vberiores accessu Tua liberali irroratio-  
nis indies magis ac magis crescant. Vale eternum.

Corpus



# Corpus Quæstionis.

**A**N habituale peccatum ex actuali siue mortali, siue veniali relictū, tam in genere moris, & vniuersim, quàm in ordine supernaturali spectatū, in priuatione habitualis rectitudinis, vel moralis. vel supernaturalis. gratiæ nimirum iustificantis, aut ipsius feruoris, formaliter ita consistat, vt nihilominus præter ipsam priuationem, actus peccati, vel ordo ad eundem, per quem voluntariè inducatur priuatio, & sit voluntaria; vel etiam reatus pænæ, ad formalem habitualis peccati rationem adæquatè constituendam, omnino requiratur? necne.

## ASSERTIO 1.

**P**eccatum habituale moraliter, & vniuersim consideratum, consistit formaliter in priuatione habitualis rectitudinis moralis proueniente ex peccati præteriti actu.

## COROLLARIA

*1. Habituale peccatum sic acceptū & explicatū, in omni mortali, et veniali peccato, & omni tã naturali, quàm supernaturali hominis statu, & tum in integra, tum in lapsa etiam natura, assignari potest.*



2. Homo non solum actu per actualem, sed etiam habitu per habitualem rectitudinem conformiter cum ratione se habere potest.

3. Rectitudo hæc moralis, cuius priuatio est peccatum, proximè penes conformitatem cum pratico rectæ rationis dictamine: remotè, penes rationem Diuinam attenditur.

4. Actuum humanorum tam bonorum, quàm malorum moraliter, proxima regula, est rectitudo humana ratio: remota, Diuina lex, et voluntas.

5. Ut humana voluntas sit recta, debet conformari Diuinæ in formali, non tamen in materiali voluto, in quo homo positivè etiam repugnare Deo potest.

## ASSERTIO II.

**P**ECCATUM habituale ex actuali mortali relictum, in ordine supernaturali spectatum, in priuatione habitualis rectitudinis & nitoris supernaturalis, id est, gratiæ iustificantis, formaliter situm est.

## COROLLARIA

1. Ex hac positione sequitur, in pænæ reatu, siue hic ex parte hominis, relationem rationis positi-



situam, siue extrinsecam denominationem ab a-  
ctu Dei hominem ad penam ordinantis, siue de-  
bitum et obligationem ad penam subeundam,  
denotet, peccatum habituale non consistere.

2. Dignitas pænæ de facto separatur à pecca-  
to habituali, in iis, quibus omnia in ultimo mor-  
tis instanti peccata quoad culpam, non tamen  
pænā, remittuntur. quis igitur formalem ha-  
bitualis peccati rationem in pænæ reatu sitam es-  
se asseuerabit?

3. Sicut dignitas præmij habitualement conse-  
quens gratiam, eandem formaliter non consti-  
tuit; ita nec pænæ, dignitas peccatum habitua-  
le, cum hoc reatui pænæ tanquam causa effectui  
presupponatur.

4. Habitualis gratia, cuius priuatione mor-  
talis peccati habitus formaliter constituitur, non  
est ipsa Dei, vel Christi imputata extrinsecè,  
sed intrinsecè nobis inhærens per modum habi-  
tus, iustitia.

5. Licet gratia habitualis cum peccato habi-  
tualis in ratione macula eodem in subiecto, ne per  
absolutam etiam Dei potentiam simul consistere  
possit.



possit; in ratione tamen solius offensæ cum eodem  
diuinâ virtute coherere potest.

### ASSERTIO III.

**H**ÆC priuatio gratiæ, vt peccatum habituale  
formaliter constituat, debet per peccati actum  
voluntariè induci, & esse voluntaria.

### COROLLARIA.

1. Hinc inferre licet, Peccatum habituale,  
nec solo peccato actuali per pœnitentiæ actû, vel  
quancunque condignam mutationem non re-  
tractato, nec sola præcise sumptâ gratiæ habi-  
tualis priuatione formaliter constitui.

2. Peccatum habituale totaliter consistit in a-  
ctu peccati, tanquam viâ et motu, per quem  
formaliter inducitur gratiæ priuatio: & in ipsâ  
gratiæ priuatione per peccati actum voluntariè  
inductâ, tanquam termino eiusdem motus in-  
trinséco.

3. Ex quo colligere est integrum, actum pec-  
cati à priuatione gratiæ per ipsum inductâ aliquo  
modo distingui, sicut quemlibet motum à suo ter-  
mino aliqua ex parte distingui est necesse.

Priva-



4. *Privatio gratiæ, prout de illa nunc loquimur, est amissio pulchritudinis supernaturalis, auersio à Deo, tanquam legislatore supernaturali, iniustitia, ablatio sanctitatis, inimicitia Dei, indignitas gratiæ, gloriæ, & cætera.*

5. *Homo in puræ naturæ statu constitutus contracto per peccati mortalis actum peccato habituali, privationem gratiæ non contraheret, cum tali statui gratia habitualis, sicut & alia dona ordinis supernaturalis repugnent.*

#### ASSERTIO IV.

**P**Privatio gratiæ, ad variationem actualis peccati, per quod fit voluntaria, tam specificam, quàm numericam, tum specie, tum numero variatur.

#### COROLLARIA.

1. *Privatio gratiæ non à sola gratia habituali, cui privatione opponitur, speciem suam desumit, quia alioquin omnia peccata eiusdem privationem inducentia in eadem specie contineri esset necesse, quod est maxime à veritate alienum, imò erroneum.*

*Pecca*



2. *Peccatum habituale*, sicut priuatione re-  
ctitudinis supernaturalis per actuale peccatum,  
voluntariè inductà, totaliter cōstituitur; ita ea-  
dem sic accepta ab alijs secundum speciem di-  
stinguitur.

3. Quia hic numero vel specie actus peccandi  
circa hoc numero vel specie obiectum, hanc nu-  
mero, vel specie priuationem gratiæ inducit, i-  
deo ad actus peccaminosi variationem, ipsum  
quoque peccatum habituale & numericè & spe-  
cificè variatur.

4. *Decretum Principis in Senatu Philosophi-  
co Aristotelis 7. Physicorum.* Priuationis nul-  
las esse differentias. intelligi debet de differen-  
tijs specierum per se, non autem alio modo, ad  
prædicamenta pertinentium, constitutivis.

5. Priuationes diuersa habentes fundamen-  
ta priuandi subiectum eadem forma, omnino di-  
stinguuntur. unde priuatio liberalitatis in pro-  
digo, distinguitur à priuatione eiusdem virtutis  
in auaro, quia huius fundamentum, est defectus;  
illius autem, Superfluitas.

Affer-

## ASSERTIO V.

**P**eccatum habituale per actum venialis peccati acquisitum, in ordine supernaturali spectatum, consistit secundum suam rationem formalem in priuatione feruoris gratiæ habitualis.

### COROLLARIA.

1. *Feruor, quem tollit peccatum veniale, consistit in actu gratiæ & charitatis, quo Deo bonum perfectè volumus, ipsiusq; minimis etiam mandatis obedire.*

2. *Sicut habitus peccati venialis est auersio tantum secundum quid à fine supernaturali, à quo hominem retardat; ita macula ipsius, est priuatio feruoris pulchritudinis supernaturalis.*

3. *Nullum ergo est peccatum habituale supernaturaliter spectatum, quod vel non sit priuatio gratiæ, vel saltem eiusdem feruoris: sicut nullum est, quod hominem à Deo, tanquam ultimo fine suo, vel simpliciter, vel saltem secundum quid non auertat.*

4. *Et hinc est, quòd nec omne peccatum habituale*



bituale in priuatione gratie, nec omne in priuatione eiusdem feruoris; sed aliquod in priuatione gratie, aliquod verò in priuatione feruoris eiusdem consistat.

5. Totalis ratio peccati habitualis per actuale veniale acquisiti consistit in priuatione feruoris gratie habitualis per actum veniale peccati voluntarie inducta, si per se loquamur, sicut proportionaliter de habitu peccati mortalis supernaturaliter spectati simile quid conclusimus.

**Benedictus DEVS vnus &  
Trinus.**



*Page 10*







